

La **doturia Margarete Mahlknecht** lascia al savèi che en dedolönesc, ai 3 de forà, domisdé, resta so ambulatore a San Martin stlüt.

Al vëgn lascè al savèi che les **domandes do contribuè y aiüè economics** por l'ativité ordinara tl ann 2015 a uniuns/assoziaziuns mëss gnì dades jö te comun éina en dedolönesc, 31.03.2015. I modui por la domanda é da ciafè sön la plata internet dl Comun www.comun.sanmartindetor.bz.it o te secretariat de comun. Domandes dades jö do le termo ne vëgn nia tutes en conscidraziun.

L'ater lönesc, ai 9 de forà, passeral la firma Mistral FVG srl da Balsan a tó sö le **refodam da tosser** (patrfs vedles, laç, öri, bossi de sprai, löms neon, medejines vedles, refodam che contëgn FCKW)

San Martin	dales 8.30 - 9.30	dan le magazinn di stödafüch
Lungiarü	dales 10.15 - 11.15	dan le magazinn di stödafüch

SAN MARTIN

I dis che vëgn él i capifamilia da San Martin che ciafa dal Comité dles prelîtes da San Martin na lëtra cun na zetola por vigni familiar, che à le dërt da lité. Les zetoles é da dè jö en sabeda y en domënia ai 7 y ai 8 de forà, dan y do mëssa ti locai dla scora vedla da San Martin. **Tolede pert ala prelîta**, por podèi mëte sön lista por lîtes de comun (che sarà ai 10 de mà 2015) candidac che rapresentëia bun la popolaziun da San Martin.

La domënia che vëgn y la domënia do (ai 8 y 15 de forà) vëgnel dala mëssa pefestia y dala gran mëssa trat ite l'**offerta por scialdè la dljia y la calonia**. Le scialdè costa sö por 7.000 euro al ann. Porchël é vignun dër bel perié de contribuì aladò ch'ara vais da curi chësta spëisa.

LUNGIARÜ

Al vëgn indo perié do le **contribut por le mone** che po gnì paié ite te calonia incö domënia al 1 de forà y la domënia che vëgn ai 8 de forà. Tignide cunt che le mone ti fej n gran sorvisc ala comunité y é dagnora dan man da vigni funziun de dljia.

En recordanza dl **defunt Ivo Sorà** él gnü fat ofertes por ss. mësses dai fioc, da Sorà Davide, dala fia; por la dljia da Lungiarü da fam. Sorà (Poidl), dala fia, da Gusta Declara; por les misciuns da Ida Declara. Bel dylan!

Dai 14 éina ai 21 de forà 2015 él le Museum Ladin Cíastel de Tor cun le sostëgn dl Sorvisc ai Jogn Val Badia che mët a jì n workshop por la realisaziun de **videoclips y videospots** cun smartphone o tablet y cun l'aiüt de n drone.

Le workshop ti vëgn pité a jogn y jones da 15 a 19 agn d'eté.

Tratan le workshop gnarà i jogn acompagnà da esperé de chësc ciamp.

Les prenotaziuns vëgn tutes sö tl Sorvisc ai Jogn (0474 523 070)

1.2. - 8.2.2015 - nr. 10

Plata dla Cöra

termo por publiché: jöbia dales 20.00 de San Martin y Lungiarü

4ª Domënia ia por l'ann B

Merch 1,21-28

A Cafârnaum ê Gejù jü le dé de sàbat tla sinagoga y â metü man da insigné.

Y la jënt se fajô demorvëia de so insegnamënt; deach'al ti insignâ sciöche un che à autorité, y no sciöche i studià dla lege.

Te süa sinagoga êl sentè n êl che ê impossessè da n spirit impur.

Chël à metü man da scraié:

Çi unse pa nos da fà cun tè, Gejù da Nàzaret?

Este gnü a nes parè tla roina?

I sa chë che tö es: le Sant de Dî.


Dailò l'à Gejù comanè: Scuta y làscele!

Le spirit impur, stracian chël êl ia y ca,

l'à lascè cun n dër scraiamënt.

Dailò s'à düc spordü, y ai se damanà un l'ater:

Çi é pa chësc?



Nia ma le fat che Gejù à delibrè n indemonié, mo les parores instësses de Gejù ti va a cör a chi de Cafârnaum. Çi che Gejù dij, scassa sö la fede de chi che l'alda, süa maniera de ponsè y de fà.

L'indemonié se lascia sö cuntra Gejù y é insciö n pü' le portausc di atri:

Çi unse pa nos da fà cun tè, Gejù da Nàzaret? Sta dalunc da nos, deache ci che te dijes mët nosta vita sotissura, destürba sö nostes usanzas y ci che nes plej.

Le vangelist ne vëiga i abitané de Cafârnaum nia de bun edl.

Y impò esi damì co iö. Altamo s'un feji val' d'infora dles parores de Gejù.

Toli iö les parores de Gejù söl sciöde, me lasci brané da d'ères te mi daite?

Chësta é la domanda ch'i mëssi me fà en chësta domënia.

Pl oan: siur Iaco Ploner ploner.jakob@aruba.it
tel.: 333 48 32 765 / 0474 453 003

Redaziun: T. Gasser anton.gasser@rolmail.net
tel: 348 27 44 517 / 0474 523 194

	SAN MARTIN		LUNGIARÜ
1.2.15 4^a Domènia ia por l'ann B <i>Dé de sconanza dla vita</i>	8.00 Corona 9.30 Mëssa solëna dla comunité + don Giancarlo Bertagnolli aniv. Ida Verginer 11.30 Bato de Lara Dapoz	1.2.15 Domènia	7.55 Corona 8.15 Gran Mëssa dla comunité 14.00 Bato de Jonathan Pezzei, Vi
2.2.15 Lönesc <i>Presentaziun dl Signur</i> <i>(S. Maria dales ciandëres)</i>	18.30 Mëssa en onù de Santa Maria y benedisciun dles ciandëres fam. Paolo Vanzi (de rengraziamënt) + siur Heinrich Videsott	2.2.15 Lönesc	20.00 Mëssa en onù de Santa Maria + Anna Chiusura + Vittoria Clara Benedisciun de San Blaje
3.2.15 Dedolönesc <i>San Blaje, Ansgar</i>	9.00 Mëssa tla Ciasa de Palsa 10.00 Benedisciun de San Blaje te dljia por i mituns 19.30 Zelebrazium dla Parora de Dî y benedisciun de San Blaje 20.00 Sentada dl consëi de cöra	3.1.15 Mertesc	
4.2.15 Dedemesaledema <i>Agata, Rabanus Maurus</i>		4.2.15 Mercui	7.30 Mëssa + Carlo Planatscher + + + Linda, Pire y Gabriele Clara + Serafin Canins
5.2.15 Jöbia <i>Injenuin y Albuin</i>	7.30 Mëssa vis y + + de Angela Castlunger, Roder + Mariangel Tavella + + Tone y Monica Tolpeit Corona por vocaziuns <i>Provijiun di amarà:</i> <i>danmisdé: San Martin y viles decà dal'Ega</i> <i>domisdé: Picolin y Ju</i>	5.2.15 Jöbia	19.30 Incuntada cun i geniturs di scholars
6.2.15 Vëndres <i>Dorotea, Paul Miki y Compagns</i> <i>Pröm Vëndres</i>	19.00 Adoraziun eucaristica	6.2.15 Vëndres	7.00 Adoraziun al Cör de Gejù 7.30 Mëssa aniv. suor Regina Costa por les Animes + + Paul y Maria Castlunger <i>Danmisdé provijiun di amarà</i>
7.2.15 Sabeda <i>Richard, Nivard</i>	15.30 Mëssa tla Ciasa de Palsa 18.30 Mëssa prefestia fam. Oswald Deiaco, Ju (de rengraziamënt) + Bino Pedevilla + Alfred Videsott	7.2.15 Sabeda	20.00 Mëssa prefestia + + Vito y Franz Clara + Giovanni Clara, Seres + Iaco Deiaco
8.2.15 5^a Domènia ia por l'ann B	8.00 Corona 9.30 Gran Mëssa dla comunité aniv. Clara Zingerle aniv. Giovanni Flöss	8.2.15 Domènia	7.55 Corona 8.15 Gran Mëssa dla comunité